

彙驗方

三



脾胃門

飲食失節未有不傷脾胃者脾胃一傷元氣必耗陰火上冲氣高而喘身熱而煩最忌苦寒宜用甘溫

勞倦傷脾宜用補中益氣湯甘溫之劑以補之飲食傷脾宜用枳朮等丸以消導之

脾虛食少不可攻伐惟宜補之自能進食

腎虛不能化食須宜補腎

飲食初傷元氣未敗或有濕熱宜用枳實黃連瀉之若病消久元氣必虛陽氣不充陰寒為崇宜服甘溫之劑不可仍用苦寒

飲食勞倦損傷脾胃始受熱中末傳寒中故始宜清熱終宜溫補



肝挾相火有瀉而無補腎為真水有補而無瀉

水者先天之本水旺則陰精充而奉上故可永年則補腎宜急也土為後天之本土衰則陽精敗而下陷故當夭折則補脾宜急也薛立齋深明此義以六味地黃湯壯水為奉上之計兼以補中益氣湯扶土降下之防

人參大健脾丸調理脾胃之聖藥也

白朮

去梗飯上蒸
三兩二錢

人參 一兩

白茯苓 一兩六錢

陳皮 一兩六錢

枳實 八錢飯上蒸

神麴 八錢炒

川連 八錢姜汁炒

稻穀芽 八錢炒

吳茱 三錢湯泡

歸身 六錢酒洗

青皮 四錢醋炒

白朮 仁 四錢炒

木香 三錢

老粳米煮荷葉湯丸桐子大每服二三錢

水芝丸開胃健脾補虛益損途中行路帶之最好

福建蓮肉去心十二三兩酒浸一宿用大雄猪肚一具洗淨留肚中油勿去入蓮肉以線縫固用水并前酒煮極透取出晒乾為末煉蜜丸桐子大空心服二三錢溫酒下

一方即將蒸熟猪肚同蓮肉搗爛為丸

資生丸 此藥端能滋益元氣保和脾胃王道之藥也

人參 三兩

白朮 三錢五分炒

蓮肉 一兩去心

川連 三錢五分炒

桔梗 五錢炒

神麴 三兩炒

薏仁 三兩炒

芡實 三兩五錢

橘紅 二兩

藿香 五錢

白朮 三兩土炒

山藥 一兩五錢炒

麥芽 一兩五錢 炒 山查 二兩

白茯苓 一兩五錢

炙甘草 一兩五錢

白扁豆 一兩 炒 澤瀉 三錢五分 炒

共為極細末 煉蜜為丸 如梧桐子大 每服三錢 或大丸 每丸重不拘 飢飽皆可服

玉露霜 治老人脾泄最宜

白朮 二兩 炒

陳皮 一兩五錢

蓮肉 四兩 去心

薏仁 四兩 炒

糯米 一升 炒

菜豆 一升 炒熟

糖霜 量加

陳米 鍋焦 一升 炒

共為細末 收貯 每用二三錢 滾水調勻服之

芡實散 久服延年益壽 身輕不老

芡實粉

金銀花

乾藕 各一斤 蒸熟 曬乾

共為細末冬湯夏水調服

老人小兒健脾良方

小山查肉去核

大麥粉去皮炒熟

白高粱米炒熟各一斤

和勻一處每用一兩入白糖滾水調服

保和丸 此藥調脾寬胸消痰進食大人小兒俱宜常服

白朮一斤去梗蒸

廣皮八兩

厚朴八兩姜炒

蒼朮八兩炒

炙甘草六兩

山查肉六兩

麥芽八兩炒

萊菔子四兩炒

米湯丸如梧桐子大食遠服一二錢

木香檳榔丸

此藥順氣寬胸化積消滯

木香四兩

川連四兩姜汁炒

黃栢四兩鹽水炒

黃芩 四兩酒炒

檳榔 八兩麵煨

陳皮 八兩炒

青皮 四兩醋炒

莪朮 五兩煨

枳殼 八兩炒

黑丑 八兩

厚朴 四兩姜炒

熟大黃 四兩

香附 八兩醋炒

當歸 八兩酒洗

炮姜 三兩

冬用夏不用

共為細末白水為丸桐子大白湯下一錢

加味香砂枳朮丸

治飲食所傷脾胃不和欲作瀉痢并七情所傷痞

悶嘔吐不思飲食瀉痢後理脾胃去餘滯極有奇效

白朮 二兩去梗土炒 枳實 一兩炒

陳皮 一兩

香附 一兩醋浸炒

砂仁 七錢五分炒

半夏 麴 一兩五錢炒

木香 一兩

麥芽 一兩

神麴 一兩炒



黃連 姜汁炒 冬五錢 夏一兩

共為細末 荷葉煎湯打老米糊為丸 桐子大 每服七八十丸



陽春白雪糕補脾養胃

白茯苓 四兩

山藥 四兩 炒

芡實肉 四兩

陳蒼米 半升

糯米 半升

建蓮肉 四兩 去心

白糖 二斤

各為極細末 先將藥末米末蒸熟 再入白糖印作餅子 晒乾隨意食之

寬中丸 治冷氣入於中壅遏不通 是為脹滿 用白朮二兩 麩炒橘皮

四兩木香一兩為末酒糊丸桐子大食前滾水下四五十丸

沉香化滯丸

此藥端治脾胃不和過食生冷油膩停滯不化胸膈飽

悶腹脇疼痛一切氣塊

沉香五錢

莪朮三兩醋炒

香附一兩炒

陳皮一兩

木香二兩

砂仁二兩炒

藿香二兩

麥芽二兩炒

神麴二兩炒

炙草二兩

共為細末酒糊丸桐子大每服五十丸空心滾湯下

加味左金丸

治肝火鬱結兩脇脹痛及胃脘當心痛吐酸不思飲食

多為酒食怒火所傷

黃連八兩姜汁炒吳萸三兩湯泡

青皮二兩醋炒

木香二兩

檳榔 四兩

川芎 二兩

共為細末水丸桐子大

香薷中和丸

此藥端治噫氣吞酸有痰有熱有食有氣胸膈不寬飲

食不化等症

白朮 土炒

連翹 去心

山查 各四兩

白茯苓

半夏 製

枳殼 炒

陳皮

神曲 炒各二兩

炮姜 一兩

白薏仁 炒

木香 各五錢

萊菔子 一兩炒

共為細末蒸餅為丸桐子大每服百丸

香砂養胃丸

此藥端治胃氣虛寒胸膈飽悶寒痛

人參 一兩

木香 一兩

砂仁 炒一兩六錢

香附 一兩六錢醋製炒

白朮 二兩土炒

生草 炙一兩六錢

白茯苓 一兩六錢

白薏仁 炒一兩四錢

陳皮 一兩六錢

乾姜 一兩

官桂 一兩

厚朴

一兩六錢
姜汁炒

蒼朮 米泔浸去皮炒一兩六錢有寒疾者加乾姜官桂無寒疾者不必

用

東肉蒸爛丸桐子大每服五六十丸

清胃丸 治胃火

橘紅 一兩

半夏 七錢姜製

膽星 五錢炒

粉草 八錢

大黃 七錢酒蒸熟

枯苓 八錢酒炒

梔子仁 六錢

元明粉 五錢

枳實 八錢炒

香附 七錢炒去毛

白朮 五錢土炒

瓜蒌仁 五錢



桔梗一兩

花粉五錢

青皮三錢

共為細末煉蜜為丸桐子大每服七八十丸

破鬱丸

治男女暖氣胸緊連暖十餘聲不盡暖出心頭畧覺寬者

香附

四兩醋煮

梔子仁四兩炒

枳實一兩炒

檳榔一兩

莪朮

一兩醋炒

青皮一兩醋炒

瓜蒌仁一兩去油

蘇子一兩炒

黃蘗

一兩姜汁炒

水丸桐子大每服三十丸

三因冲和丸

此丸開胃健脾順氣化痰和三焦暢六腑不拘內外諸

症皆能宣行秘妙之方不比尋常

人參一兩

山查肉二兩

石斛末一兩

白朮末一兩

右四味和勻碗盛磬蓋飯上蒸一餐取出冷定方開

再加遠志肉一兩甘草水泡山梔仁二兩炒焦香附米童便浸
洗淨醋炒為末二兩

三味共研勻如法蒸一餐毋令洩氣

再加海石末二兩南蒼朮米乾浸去皮炒黃二兩為末

二味同蒸

再加川芎末二兩

北柴胡末二兩

青黛一兩

三味和勻蒸如上法

用谷芽炒黃取粉打糊為丸桐子大晒乾用益元散五錢辰砂五錢
水飛共研勻為衣食後白湯下

白神丸 治一切飽脹氣不順停食積聚等症

白酒藥

八兩愈陳愈佳

南蒼朮

一兩水炮炒

厚朴 一兩姜炒

生甘草 一兩

陳皮 一兩

木香 五錢

砂仁 五錢

共為細末神曲打糊丸桐子大每服三錢立效

治肉食不化方

南山楂子煎湯服即效入藥內煎亦妙

治傷米食積用白麴一兩白酒麴二九炒為末每服二匙白湯調下

如傷肉食積山楂子湯調下

如食鴨肉不消糯米泔潏飲一盞即

消 食物過飽用馬牙硝一兩吳萸半兩煎汁投硝乘熱食之良

久未轉再連進一服立效 食魚鱠及生肉不化馬鞭草搗汁飲一升

即消 如食菓腹脹用肉桂飯和丸菜豆大白湯下五七丸

如酒

積用桃奴不拘多少為末酒服三錢效如神 如酒肉過飽用

蘇花

揸升溫水漱下即消

治黃病愛食壁泥黃土用黃泥一斤砂糖四兩同炒乾為末黃連膏丸
桐子大空心糖湯下五六十丸

治好食生米用蒼朮米泔浸一夜剉焙為末蒸餅為丸如桐子大每服
五十丸食前米湯下日三服

治好食茶葉每日食榧子七枚以愈為度

治好食油因誤吞髮入胃用雄黃五錢研末水調服

治黃病愛食生米茶葉桴炭泥土瓦屑之類 用使君子肉二兩切碎



微炒枳榔二兩南星三兩俱用姜拌炒共為末紅曲打糊丸桐子大
每服百餘丸烏梅湯下

治虛寒嘔吐飲食不下 用細辛去葉五錢丁香二錢五分為末柿蒂
湯下一錢

治胃熱嘔吐手足心皆熱者 用半夏姜汁浸炒乾葛青竹茹生甘草
加姜枣煎服

治飽逆不止 用荔枝七個連皮燒灰存性為末白湯調服立止 如

病後飢逆不止 用刀豆子燒存性白湯調服二錢即止

治食後吐酸水 用乾姜吳萸各二兩為末酒服方寸七

治食物作酸蘿蔔生嚼數片甚佳

